



Broj: 05/1-50-19-303/11

Sarajevo, 20.4.2011.

ZABILJEŠKA

sa sastanka članova Nezavisnog odbora kao nezavisnog tijela policijske strukture BiH s rukovodiocima Direkcije za koordinaciju policijskih tijela BiH

Sastanak je održan 20.4.2011., s početkom u 10 sati, u prostorijama Direkcije za koordinaciju policijskih tijela BiH. Prisustvovali su: Himzo Selimović, direktor, i Uroš Pena, zamjenik direktora Direkcije za koordinaciju policijskih tijela BiH, članovi Nezavisnog odbora Žiko Krunić, Enes Obralića i Stanko Nuić, te Alma Salkić-Mijić, privremeni sekretar Nezavisnog odbora.

Direktor Direkcije za koordinaciju policijskih tijela BiH Himzo Selimović upoznao je članove Nezavisnog odbora o stanju u Direkciji. Naglasio je da je osnovni problem za nesmetano funkcioniranje, koji treba prioritarno rješavati, trajni smještaj Direkcije. Informirao je članove Nezavisnog odbora da je Vijeće ministara BiH usvojilo odluku o kupovini objekta u kojem se trenutno nalazi Policijska misija EU i u kojem je privremeno smještena Direkcija.

Predsjednik Nezavisnog odbora Žiko Krunić podsjetio je prisutne da se Nezavisni odbor već jednom obraćao Vijeću ministara BiH i Parlamentarnoj skupštini BiH kako bi apelirao na nadležne institucije da se angažiraju na rješavanju problema smještaja Direkcije za koordinaciju policijskih tijela BiH i osiguranju adekvatnih uslova za njen rad. Naglasio je da će Nezavisni odbor u okviru svojih nadležnosti i dalje snažno podržavati rad ove institucije.

U vezi s kupovinom objekta za smještaj Direkcije za koordinaciju policijskih tijela BiH, zamjenik direktora Direkcije Uroš Pena dodao je kako smatra da je sada pogodan trenutak jer su cijene nekretnina povoljne. Također je naglasio da se veliki iznos sredstava iz budžeta institucija BiH izdvaja za zakup nekretnina. Kupovina ovog objekta je investicija koja se dugoročno isplati.

Direktor i zamjenik direktora Direkcije za koordinaciju policijskih tijela BiH informirali su članove Nezavisnog odbora o kadrovskoj popunjenosti, materijalno-tehničkim uslovima rada, te naveli da i u tom segmentu ima određenih problema, ali kako su sigurni da će ih prevazići i riješiti zajedničkim radom i zalaganjem.

Na kraju su članovi Nezavisnog odbora istaknuli da su izuzetno zadovoljni izborom rukovodstva Direkcije za koordinaciju policijskih tijela BiH i poželjeli im mnogo uspjeha u daljnjem radu.

Sastanak je završen u 11 sati.

Zabilješku sastavila
privremeni sekretar
Nezavisnog odbora
Alma Salkić-Mijić